

一切法如幻 遠離於心識 智不得有無 而興大悲心

於六趣生死 彼彼有情 墮彼彼有情眾中 或在卵生 或在胎生 或在濕生 或在化生  
身分生起 於中最初一切種子心識成熟 展轉 和合 增長 廣大

依二執受 一者有色諸根及所依執受 有色界中 具二執受  
二者相 名 分別 言說戲論習氣執受 無色界中 不具二種

此識 亦名阿陀那識 何以故？由此識於身隨逐執持故  
亦名阿賴耶識 何以故？由此識於身攝受藏隱同安危義故  
亦名為心 何以故？由此識 色聲香味觸等 積集滋長故

阿陀那識為依止 為建立故 六識身轉

此中有識眼及色為緣 生眼識與眼識俱隨行 同時 同境 有分別意識轉  
耳鼻舌身及聲香味觸為緣 生耳鼻舌身識 與耳鼻舌身識俱隨行 同時 同境 有分別意識轉

若於爾時一眼識轉 即於此時 唯有一分別意識與眼識同所行轉  
若於爾時二三四五諸識身轉 即於此時 唯有一分別意識與五識身同所行轉

於內各別如實 不見阿陀那 不見阿陀那識 是名勝義善巧菩薩  
不見阿賴耶 不見阿賴耶識 如來施設彼為勝義善巧菩薩  
不見積集 不見心 ↓  
不見眼色及眼識乃至不見意法及意識 齊此名為於心意識一切秘密善巧菩薩  
如來齊此施設彼為於心意識一切秘密善巧菩薩